



Sigurd Myklebust har mottoke velfortent pris for redningsarbeidet han har gjort gjennom 40 år.

Under ei samling for Viking Redningsteneste på Park Hotel i Sandefjord nyleg mottok Sigurd Myklebust Viking Redningsteneste sin heiderspris. Gjennom 40 år har han gjort ein stor innsats som redningsmann, og framleis står 75-åringen på i eit imponerende tempo, og er klar til å rykkja ut og hjelpa 24 timar i døgnet.

Vi ser stadig Sigurd på farten i redningsbilen, og mange har erfart at han er kjapt på plass når det er behov for assistanse. Her kjem lang erfaring godt med, men ei indre og ekte serviceinstilling er nok drivkrafta. Sigurd fortel til Kvinnheringen i dagens nummer at han årleg har 400 oppdrag. Dette talet har vore nokolunde stabilt, men han har registrert at det har vore ein gledeleg nedgang i talet på arvorlege bilulukker dei seinare åra.

I grunngevinga for tildelinga av den høgthengande prisen vert det lagt vekt på at Sigurd Myklebust har representert Viking Redningsteneste på ein særdeles god måte gjennom mange år. Har har vore ein framifrå ambassadør for redningstenesta, og han har hjelpt til med assistanse i ei rad utfordrande stitusasjonar.

Sigurd opptretr alltid på ein positiv og imøtekommande måte. Ingen tvil om at han er ein svært så verdig prismottakar. I tillegg til redningstenesta har han også utleige av 10 leigebilar som stadig er ute på veiene. Dessutan sel han Tyssetelhengarar, og her går salget unna både av båthengarar og tilhengarar i andre variantar. Dette gjer han gjennom selskapet Kvinnherad Auto.

Sigurd Myklebust kunne for lengst ha pensjonert seg, men han trivst godt med dei travle dagane og kundekontakten han opplever gjennom dei.

Tekst og nett: Thor Inge Døsland
Arkivfoto: Thor Inge Døsland